




黃檗末後事實

會津文庫  
イ 21  
165



421  
165



黃蘗開山隱元老和尚末後事實

癸丑年師八十二歲元旦說偈祝聖齋後頂登攜杖  
巡眾寮云老僧托鉢行腳去侍者栢巖云與和尚一  
文錢師呵呵而笑十五日為獨吼獅題天童徑山併  
自讚為悅山宗法孫題初祖像十八日付源流法衣  
與獨照圓升七日南都一乘院法親王過訪問道答  
以偈二月三日太上法皇欽賜錦織大悲像御香  
師述偈進謝初九日應東林大僧善齋適有賀州善  
信捨金脩開山塔先是癸卯年諸弟子為師所建題  
曰壽藏十九日竣工豎塔碑大書開山隱元老和尚



昭和三十三年  
十二月一日購求

真三...

壽塔師曰今不勞曰壽但之塔可也及午合山僧衆  
獻供以慶落成師命啟龕燕坐龕中囑云老僧他日  
歸後停龕俟三年後移龕進塔高泉激云老和尚金  
剛壽相虛空包不住下午因示微疾廿二日爲獨照  
圓題天童徑山併自贊爲梅谷侍者題彌陀像廿三  
日悅山宗問云老和尚萬福否師云吾只如常山云  
老和尚壽量與虛空同等師默然廿四日機聞師不  
豫特來省侍師甚喜有重重法脈流無盡道義恩深  
不可忘之句自此病益增衆請服藥師勉受至三月  
朔病少愈師恐衆懸念作偈以慰之初六日直指獨

照圓來問候示梅嶺侍者偈廿一日青木端山居士  
佐野雲峰居士同至師念其檀護多年諄諄慰問廿  
二日酒井脩理大夫居士差使併四方緇白問訊者  
絡繹不絕師雖病損而應接如常本山堂頭及衆菴  
諸子夙夜陪侍師云無勞汝等老僧年老病亦常事  
亦亦常事何足憂也第唐黃蘗乃神宗皇帝勅賜  
道場吾雖離山多載念念不忘遂說偈寄示山中大  
衆併諸宰官外護以冀毘贊化風爲法金湯焉更有  
遺囑語別錄廿七日木菴瑄見師羸弱不忍而問曰  
今日何如師云從今已矣菴云和尚金剛固體無事

也師云到此縱有金剛體亦須拈置一邊菴云和尚  
得自由師乃閉目不答廿九日爲徑山先老和尚諱  
辰設祭說偈云單提白棒繼天童崛起吾師道化隆  
今日片香伸供養法源湧出海門東是日雖病篤必  
欲詣靈作禮左右勸止師乃取爐三爇心香命南源  
派代獻其敬師重法如此午後久留信濃守居士  
來慰問既而法雲寺慧極法孫亦至及晚木菴瑄侍  
次問云尊候輕安否師云我不以日面佛月面佛而  
守定也菴云和尚甚有超邁古今師云汝去莫妨我  
睡三十日 太上法皇遣使存問師自念屢膺天眷

難以報酬特述偈進謝曰廿年行化寓東方屢受洪  
恩念不忘珍重 上皇增壽算西來正法仗敷揚付  
法衣與南源派獨吼獅下午囑左右散道具乃云老  
僧住世不久矣汝等有志扶持法門者當以法門爲  
重以道自貴不可循俗苟求聲利自喪至德老僧去  
後若不依吾之訓非吾眷屬高泉激云老和尚所說  
句句藥石好似一部遺教經南源派云今朝遺語不  
異雙林尋書偈示衆云病中猶自掣顛風曠劫幻緣  
一掃空珍重諸仁須勉力莫教昧却主人翁至申刻  
師震威喝一喝云會麼一喝喝碎太虛空萬象森羅

一掃空苟能識得虛空椽照徹大千一夢中乃呵呵  
大笑拍掌云快活快活生也快活快活也快活月潭激  
云老和尚臨行可謂格外逍遙晚間智光至師謂汝  
師龍溪有力量向白浪滔天處一喝便行領三萬指  
而去老僧只一人獨行光唯唯禮退四月朔師念行  
化此方蒙大將軍賜地開山爲中興濟道檀恩不  
淺特書揭致謝云西來萬里老桑門賜地開宗感國  
恩今日功圓恭致謝河山位鎮永長存時別傳侍次  
師喜曰汝養母孝念可尚遂喚侍僧取金以遺其母  
乃云他人之母卽我之母益見師之爲孝溢於言表

午後顧視大衆云汝等許多來者裏作麼搵無一人  
替得正是父子上山各自努力時也仍說偈云罷罷  
罷休休休沒來由處有來由卅年日國開宗眼獨闢  
巖山大道猷只要兒孫鍊漢子傳持亘赫億千秋卽  
命侍僧代書又索筆書偈示諸法子孫世上漚花俱  
看破法門隆重力弘持曹溪正脈亘今古耀後光前  
勿自欺聞初山獨湛瑩將來省侯復謂諸子曰此子  
有孝德兼謹言慎行爲法不倦無忝一方之主但恐  
老僧不及一面矣初二日師謂衆云四大非我有汝  
等應作如是觀栢岩節云老婆心切下午月潭澄侍

次師執其手云汝侍老僧二十載慇懃切至山盡孝  
心且聰敏有見老僧不忍相負但汝受業師住山之  
入汝可承嗣汝師法無異也乃示以偈初三早師問  
左右今日是什麼日南源派云今日初三師云天亮  
也未答云日已出矣師云今日不得遠離吾行期逼  
矣復囑侍者曰我進龕日當設一齋供養諸佛羅漢  
以及大眾是我最後之忱也諸弟子垂淚請師長住  
世師云人生七十世稱古稀老僧已八十二安可久  
留衆知師厭世戀戀不忘午刻師聞食堂鳴鍵遣衆  
赴供乃令左右扶起取水盥頰趺坐良久衆具觚斝

請書遺偈師漫書云西來柳標振雄風幻出磧山不  
聖功今日身心俱放下頓超法界一真空遂置筆閉  
目而坐適端山與石二居士特來問安師舉目顧視  
士既退師卽泊然而逝實本月初三日未時也嗚呼  
吾師出世三十七年七坐道場名聞兩國德冠諸方  
辛丑歲蒙大將軍賜地開山三年卸擔命座元木  
菴瑄補席逸老松堂迄今十載操持不怠師具大人  
相燕鬚鳳眼鶴髮童顏頂貫玉犀聲如谷响平生正  
直無諂事之是必屈已從之事之非必覲面叱之極  
燥辣處極其慈悲極慈悲時極其燥辣雖在方外忠

君孝親未始不至虛懷接物誠信待人且勤于禮誦  
至於老病未嘗少廢年來每以贖資買米施餽遇午  
刻必躬自散施常自戲曰老僧作箇白鴿行堂及至  
臨終凡聞雲堂柳響輒揚聲曰取米餉鴿其慈濟之  
心有若此者可謂至矣機親師多載叨蒙慈愛日來  
兩詣松堂親聞顧命故畧敘最後大槩如其備考詳  
在老人年譜中更有預定本山規約手書存焉初五  
午刻將鎖龕諸門弟子見師顏色不變如入那伽意  
欲畱身令人瞻禮緣已揭榜諭衆不可改易故止之  
是日四衆持香花而供者莫不悲哀而戀慕焉皆

寬文癸丑十三年四月八日

佛日嗣法不肖徒性機泣血稽顙百拜謹述  
補遺

先是師於元日預書偈一管囑海福獨本源至臨末  
遲之不至乃命大眷善云待源至時汝當就我龕前  
親付不得覆藏四月十九日源自武州始奔喪而至  
眷奉遺命白衆授之偈云生平鐵鑄一心堅并載渾  
無少變遷出萃超羣真決烈隨流得本獨安然頂門  
眼豁玄機露福海波澄正脈傳一柄龜毛今付子勿  
孤黃蘗老婆禪

寄示唐黃檗大眾偈

老漢多年渡海東日來將覺報緣終寄言黃檗諸禪  
道力振門庭紹祖風

寄諸護法

從來佛法付王臣爭若諸檀念力深扶起勝幢光祖  
德千秋日月廓天心

示月潭澄泐孫

卅年叅侍老西來突露頂門隻眼開挺出孫枝長秀  
茂待時發用吼如雷

佛日機再述

黃檗開山隱元老和尚預囑語

老僧自甲午秋應請東渡三主法席新開黃檗迄今  
十八星霜禪林規制頗成大觀天下雲衲咸所共知  
靜而思之雖則于此土宿有法緣亦乃十方護法宰  
官居士及在會耆德現前眾等毘贊之力老僧每揣  
道德荒疎際斯法會莫不感念至意焉茲餘喘已登  
八旬猶如木末殘陽恐在世無多但一代開山典儀  
猶關千古法系故不得不預立規訓以曉將來汝等  
遵而行之則為肖子順孫使宗燈炳耀法脈長流與  
此山同其悠久永為祝國福民之場也否則非吾眷



屬勿入此門以混淆衆爰立規約併囑語數條于後  
永爲本山龜鑑衆宜知悉

一冬夏二期內外衆等俱遵聖制禁足安禪晝三夜  
三究明已躬下事爲務勿擅出入違佛教誡

一衆等專爲好心學道當以慈忍爲本戒根淨潔因  
果分明受十方信施須要知慚識愧勿得飽食遊  
談恣逞人我攪亂禪林作諸魔業

一朝暮二時念誦各宜嚴整威儀隨衆不得偷懶除  
老病者不論

一本山及諸山凡稱黃檗法屬者槩不許葷酒入山

門破佛重戒

一本山第三代住持仍依吾法嗣中照位次輪流推  
補後及法孫亦須有德望者方合輿情克振道風  
此事在衆等平心公舉勿得恃於權勢互有偏私  
一歷觀古來東渡諸祖嗣法者三四代後即便斷絕  
遂使祖席寥寥前承酒井空印老居士護法之念  
嘗言本山他日主法苟無其人當去唐山請補使  
法脈繩繩不斷此議甚當惟在後代賢子孫舉而  
行之則是法門重光之象也

一本山常住齋糧合供十方大衆守護禪林祝國福

民永遠香燈之需各菴院槩不許私分

一畱鎮常住及松堂法具什物等當另記一簿以便

遞代住持交傳勿致失脫

一本山住持與各院靜主既同宗派當以協力一心

尊法重道贊翼祖庭使遞代化風不墜也至於諸

山法屬入山亦當以禮相待勿得失儀

一松堂老僧壽塔在此即為開山塔院後當本山各

菴院子孫輪流看守

更餘規約俱載禪林師訓中及兩序須知文繁不

錄可參看力行之囑囑

寬文辛亥年臘月

佛成道日開山八十翁隱元老僧手書

此處有極淡的印文，內容與右頁條目相似，如「民永遠香燈之需各菴院槩不許私分」等字樣，但已非常模糊。

隱元和尚遺囑  
壽山即非和尚遺囑  
真空不空青山  
吉凶禮同僧俗事別  
吾雖謝世常在寂  
滅光中垂手汝等  
遵吾訓行吾言便  
是吾常住世間也  
成服不必著麻戴  
白悲號哭泣効鬻  
世禮有違古訓亦  
不必効應院念經  
拜懺擇地造塔此  
等虛文一齊掃斷  
違者非吾弟子亦  
非吾眷屬至囑至  
囑

壽山即非和尚遺囑  
真空不空青山  
吉凶禮同僧俗事別  
吾雖謝世常在寂  
滅光中垂手汝等  
遵吾訓行吾言便  
是吾常住世間也  
成服不必著麻戴  
白悲號哭泣効鬻  
世禮有違古訓亦  
不必効應院念經  
拜懺擇地造塔此  
等虛文一齊掃斷  
違者非吾弟子亦  
非吾眷屬至囑至  
囑

入龕之後俟天晴擡上東山面西火化  
秉炬不敢勞尊宿命曇子舉火火後收  
骨灰調麵施魚母得存畱至囑再囑一  
山僧所居方丈衣鉢之外了無餘蓄緇  
素咸知只剩小金十片命監寺辨齋供  
佛伽藍及檀越大衆囑囑不音言更甚  
吉凶火化偈  
我若火化如空合空真空不空青山依

舊白雲中

辭世偈

生如是死如是坐斷生死關觸破沒巴  
鼻喝一喝

卽山僧手書

山僧明山師年嘗...  
 身即...  
 生...  
 書曰...

壽山本師即和尚末後事實

是歲春二月中和尚再示微恙告曇瑞佞曰此番不起之病勿以世情逼我三月初舊檀越來勸藥餌師從容謝而却之初十日少有起色十四日洞來省覲禮拜日恭喜和尚法體萬福師筦爾賜坐喫茶四月朔為豐洲太夫人題藕絲綃彌陀像讚初七日黃檗專使賚師翁老和尚書至師焚香頂戴曰恩大難酬翌早赴大殿燒香浴佛不異平時十五日答獨照圓禪師通法屬書并復諸師啓頃因洪居士船帶南湖袞和尚所送語錄來師書一偈於扇以謝時者瘦色

日加食飲弗進然且携杖上山庵或到卧遊居猶不甚見有尪弱之容五月朔末次居士來候師謝其多年爲法金湯暨令堂信心供養爲三嶺長老題臨濟祖像讚爲翠峯光巨題自讚其餘題讚二十有餘幅外有示曇瑞最後法語初三日高城光巨來省尋而圓通翠峯亦至初六日親書遺囑并規條六則永鎮山門初七日豐州太夫人差小沙彌北垣拜候師爲摩頂授記晚間靠椅背坐適翠峯入師問曰正當恁麼時如何答曰脫體現成師曰萬里不掛片雲青天也須喫棒汝又作麼生峯便喝師曰再道看峯連喝

兩喝師曰胡喝亂喝作什麼峯禮拜曰謝師褒讚次日問光巨曰正當恁麼時如何是汝受用一句答曰八角磨盤空裏走師曰再道看巨便喝師曰一喝兩喝後又作麼生巨禮拜而退初十日命知客喚翠峯光巨二人入室以法語并拂子相囑居山長養勿輕泄也峯接拂子曰當爐不避火冷地裏燎却佛祖面門去也光巨提起拂子曰等閒提起大地發光明師曰一齊爲爾證明了也二人同禮拜退次爲長福院題自讚十四日師五十六歲降誕之辰兩寺法眷本山檀越及諸方緇素預約前後數日設齋慶祝師起

撰述  
坐酬謝一一若常毓楚何居士進祝曰今年最祝今朝誕直指須彌作壽筵師曰善哉供養轉壽居士曰弟子久露甘露惜乎未得親切一番師曰早已與居士親切了也士禮謝而出林道榮曰恭惟和尚福壽無疆師曰出乎爾者反乎爾榮禮拜曰謝和尚慈庇師曰喫齋去十五晚高木居士至師謝其年來衛護示以不退心要時四方道俗問安者或差使或自繭足絡繹于道十七早謂曇瑞曰山僧行期在邇造箇不斷的龕子來衆謂和尚精神尚健何急乎是瑞曰尊誕已度三朝請問如何是法壽金剛句師豎三

指示之瑞曰莫是前三三後三三麼師曰時節若至其理自彰十九日自筆火化偈裁謝豐主暨諸州宰官居士遺帖次問柏巖曰樹凋葉落時如何答曰花燦不萌枝師良久柏問如何是和尚末後句師豎拳頭柏曰只這是更別有麼師與一掌柏曰此恩難忘二十日天將明曇瑞柏巖翠峯光巨洞等及印光梅嶺各侍單前師顧謂曰汝等今日都不要離者裏瑞問如何是今日事師曰日輪正當午比已時問瑞曰龕已成否瑞便進筆曰與其甲寫箇封龕字師大書壽字左右乞遺偈師曰我若無偈終不得死乎衆愈

請不已師乃揮筆曰生如是死如是坐斷生死關觸  
 破沒巴鼻喝一喝置筆命點茶來茶罷自劈開脣曰  
 快活快活瑞曰好箇快活和尚洞曰一生敗闕今日  
 全彰師微笑曰天已午否左右曰未也師且就寢正  
 午令曇柏扶起跌坐香半炷間泊然而逝前一夕大  
 風拔樹雷雨動山是日清霽天氣甚熱師顏貌如生  
 及翌午鎖龕手尚柔輒頂有暖氣合崎緇白蟻聚雲  
 趨悲泣頂禮以俟闍維惟恐執紼之後火餘頂骨不  
 壞收五色舍利無算煙光所到粲粲然如綴珠見於  
 草木之上以至四衆爭奪灰土俱盡瑞等不忍違其

遺命竟奉靈骨與舍利貯于寶瓶以圖建塔於兩壽  
 之山瘞焉於戲師平生以大法為己任雖至疾之危  
 鉗鎚學徒不敢少懈其問答勘詰悉詳載于別錄中  
 茲畧其細而紀其大槩云

寬文十一年五月二十六日

廣壽嗣法門人明洞誓願百拜敬述



千... 實文十一平五日二十六日

茲畧其跡而取其大槩云  
... 山... 命...

百丈開山千呆和尚行錄

師諱性安字曇瑞千呆別號也福州長樂縣人族姓  
陳御史大參之後也父名德修母盧氏生師於大明  
崇禎九年丙子六月十七日丑時天性溫良才思英  
發甫九齡入小學無何父母相繼而喪育於胞兄十  
二歲俄遭疾皆以死期一日忽覩觀音大士示現壁  
上紅光滿室師一瞻禮似覺輕爽又夢一神人以金  
杵擗口而惺次早吐痰者數盂既而病疴全愈何佛  
天之護師如此豈其苟然十七歲值明清之變輒感  
世相滄桑淡蘊脫白之志一昔夢門外有人切呼曰

出家時至母躄躄焉師心感悟排戶視之總無人迹  
時胞兄將赴秋試師知不可後遂不告而出直登鼓  
山謁永覺大師求鬚度以師年髻不納師辭下嶺因  
舉首望鄉關潸然不知泣下忽聞嶺外樵夫歌曰大  
丈夫兒有本命足下黃金用不盡師聞之悶心朗然  
第三日過大車嶺有虎至前師潛身於艸莽間力持  
聖號虎見師如迴避而去既而風飡露宿直到溫州  
密印寺方值石奇老和尚進院開法遂依之就荷菴  
老師受業復蒙法幢和尚策進知有箇事從是身不  
倒單自誓奮勵過午不食夜禮願文苦行三載一衆

嘆異亡未冬因衣益枯淡往處州乞緣事畢買舟浙  
江又欲還密印俄值洪水覆舟江心而頃刻間漂流  
數里師冥稱大悲聖號了無異念如經所說即得淺  
處而官船又至救師到岸同舟十有六員惟師免難  
時年十九矣茲年臘月即翁老和尚遊歷三吳到密  
印師方參禮躍然而謂是吾出世師也翁亦器許令  
待巾瓶丁酉春翁應請日本師隨至瑞安翁喜而賜  
曇瑞安之號數日後發舟而東不旬日達岸是日當  
道暨諸檀護請翁住於聖壽山師時二十一歲輒任  
監院之職處躬簡澹臨衆寬祐本朝萬治戊戌冬翁

受請開堂命師上攝之普門代講普照國師見者謂  
祖門之間氣也寬文癸卯秋翁省觀國師於新黃檗  
擢翁居第一座師侍左右銳志參加是冬結制國師  
垂問以闍老打算飯錢如何抵對之語師進語曰心  
不負人面無慙色國師領之又一日爲國師槌背次  
問云爾生緣何處師曰與百丈同鄉云姓甚麼師曰  
某甲無姓云佛性有麼師作禮曰謝和尚安名國師  
微笑臘八國師初開戒師登檀圓具翁因問世尊見  
明星汝作麼生會師曰面南看北斗翁云子做得聖  
壽侍者師掩耳而去翁一日命頌八還辨見公案有

龍鬚元赤虎元斑之句翁問爾那裡見得龍鬚赤師  
便將翁鬚曰者裡見得翁休去甲辰春同無心獨航  
諸公從翁歷覽皇都名利秋八月侍翁訪慧林和尚  
於摩耶山駐錫數日各有唱和旣艤舟下崎迨抵豐  
州豐主忠真太守請師翁留供於金粟園師亦從之  
乙巳年豐主以廣壽名山延翁開山演法舉師任都  
寺兼掌衣益紛然百爲總不之顧茲夏師翁五旬師  
爲祝壽請上堂乃出衆問廣壽一枝佛法未審分付  
阿誰翁云樓高先得月師曰恁麼則某甲承當去也  
翁打云當仁不讓是男兒師作禮曰謝師賜棒一衆

千林和尙行錄  
二  
聳聽一朝觀梅花忽然有省衝口說偈云鐵骨多年  
雪裡埋不期春信到寒梅通身手眼難遮掩一帶江  
城次第開直呈師翁翁云古人見桃悟道子觀梅會  
心且道全耶別耶師曰如空合空翁云畢竟如何師  
曰黃金自有黃金價終不和沙賣與人翁首肯翌早  
召師入室師禮拜次翁豎起拂子云此一枝乃西天  
四七東土二三傳至黃檗開山老人老人付囑於我  
我轉付於子當須護持且道正當恁麼時如何是撐  
天拄地一句師接拂子曰頂門隻眼耀乾坤翁云放  
子二十棒師曰恩大難酬翁云知恩報恩始得師便

禮曰壽嶺一枝新突出大千何處不知春翁云善爲  
保任復以法語一軸竝大地一曇華五大字授之皆  
年三十矣翁一日持主丈到師寮云這條柳標山僧  
用不盡的且寄於子當珍藏之師曰要他作甚麼翁  
云畱待撐天拄地好師接杖曰謝師婆心翁每以佛  
祖請訛機緣詰師師臨機應答如空合空至其箭鋒  
相拄亦不多讓在然痛自檢責斯須不懈故拈頌機  
語莫知其數師恒謂衆曰凡我語句一字一點血也  
戊申秋隨翁復旋崇福乃以院事委之師不就有司  
暨諸檀稟公累請勉彊而從崇福乃國師開法之地

翁竭衣孟爲建髮塔師亦創廣福於塔之左以備灑掃西湖獨立公記以文翁證以偈云托出一梁橫法界撐持自有好兒孫片椽隻瓦丘山重貴要知恩解報恩翁又云山僧自東渡以還兩坐道場甚得吾徒一臂之力井井有條深可嘉歎是所謂師資相可希遇一時者也徑山費老和尚賜以偈有大事因緣從此得相逢作者樂怡怡之句繼而普照國師南湖褒翁福嚴正聞及圭峰慧門諸大老各以偈語推獎辛亥夏師翁示重恙師懇禱佛天曰以身代之一日偶訪唐客客供以閩烏棗師視之不敢自嘗客問其故

師白以饋翁之意客忻然罄筐遺之其純孝者多如此翁示寂前以國師所傳源流法衣付師蓋以師爲長子故歟自茲雖繼其席而不敢以師位處但夙夜戰兢以大法爲己任而莫不遵師翁之遺訓也此冬國師八旬官命有待恐不及預會既至豐州開帆不憚風浪經三晝夜而到太和翌日值誕辰國師嘆爲孝誠所感師呈賀偈國師賜尊和又書大法喜三大字以授兼請真讚有膝下蘭孫能起家一團瑞氣現東國之語復爲師翁賜塔院之地師建院宇以奉師翁真身設利扁曰瑞光國師美以偈有覺林挺出孫

枝秀寶地珍藏骨石堅之句事訖回山自岿撐持祖  
席不墜先翁之風規間有僧行不軌者卽正色責之  
如高菴住雲居時號令整嚴故諸方靡不景仰其道  
行矣當道泊有司屢勉瑞世師不允延寶癸丑夏國  
師示滅遠詣祖庭同諸法叔昆仲守龕百日作文致  
祭以盡末後之誼茲夏又值師翁大祥忌就瑞光塔  
院延請木和尙暨闔山尊宿大啓齋會乙卯夏時適  
饑荒流民載道師不忍坐視領衆持鉢施粥以濟凡  
三閱月而止秋七月滿散示衆曰一盃展開無盡藏  
山堆海積不尋常枯來普濟諸貧之九萬八千駕一

航九萬八千則不問功成願滿底事如何師自代曰  
七月二十九次歲丁巳秋瓊雪堂崑玉岡應召東渡  
遂囑院事退間廣福又閉死關壁立千仞諸方屢致  
之不可師答以任他馬角生牛首把住牢關不放行  
之句又設三關語驗方來衲子因僧問承聞和尚有  
三關如何是驗人關師曰一拶骨出如何是截人機  
師曰一棒一條痕如何是活人句師曰滿口道著其  
峻節高風誠不亞高峰之隱天且崑老之在安谿時  
也已未春崎主同衆請開關示衆曰三載埋頭死爲  
期死中得活有誰知今朝死漢翻身出不用重栽活

眼眉是秋之礫山守祖塔會木和尚最後結制衆滿  
四千指學子詣松堂參叩戶外屢常滿衆嘆以爲古  
塔主之復肉也翌歲庚申秋期滿將赴尾州東輪寺  
岺慧和尚接席祖山和尚與師翁係受業法眷故當  
此時盡禮津送師到彼爲師翁立開山牌位州主久  
欽師名因命有司甚加殊禮崎陽催歸書數至遂辭  
而西又居廣福一味以高古爲事天和辛酉年唐船  
失序崎人困厄師又罄衣孟作餽粥以施加旃李衆  
分衛日養十千餘人自此歲九月至明年五月而止  
時鑄萬人鍋成有昔日南泉親打破今朝壽嶺鑄圓

成之語佛國和尚致書於師其略云吾兄能興無緣  
之慈施不報之德生人於死中非肉身大士出現世  
間疇克爾耶此德此行非特有利於人民兼有光於  
佛祖也貞享乙丑歲值師五旬合崎善信請授菩薩  
大戒一會受者每餘八千指而支那國天台翼菴遜  
庵蓮峰暨清斯天池諸尊宿並宰官居士各寄詩文  
爲祝元祿壬申年吳航張游二公送大藏至繼而藏  
殿亦到莊嚴極美時東閣快音諸檀護以本菴敝漏  
爲師再建師復爲衆樹晉同塔於崇福後岡四來隨  
喜者咸稱叢林大典蓋令人知歸藏所亦攝化之一

方便也。前在故閩，因建陳氏佳城，遠捐淨資，俾充營費。又爲師翁編次全錄，琴行於世，復寄去大清嘉禾附大藏流通。先是海上浮沈者，因托舊檀于騰林居士，乃得成功。更如普照國師塋上之銘，特仗福嚴正聞和尚求杜相國之大手筆，今豎石於黃檗祖堂。蓋師之力也。茲年在尾州鼎革東輪之地，尋舉長江外主之多年冷灰之境，一旦重興，轟然爲東方之一禪林者，亦師之德也。乙亥夏，師屆六旬鼓山爲霖天童慰弘諸老及本邦宗屬名士，以巨篇長文慶祝。是年冬被旨陞黃檗第六代師位，令脉靈源監守。崇

福以臘月末啓行發船，抵平戶默堂禪師泛舟接，入瑞巖慰勞極殷。嘗松浦太守遣使致候，又經赤間關。豐主忠雄公具舟相接，徑造廣壽爲師翁掃塔。堂頭雲法伯率衆門迎，欸待殷重。長府刺史勞問亦勤。明年丙子正月，中達坂城館於高岡長者於本月廿八日闔山暨同門諸大德具疏幣請師進山，一香始爲師翁拈出時，四表皂白趨風嚮化，如百川歸海。夏五月，拉燁大休等詣東都謁見。大將軍又於六月十三日再傳旨延見時，領潤雪厂信天祐洎龍等登殿。大將軍命衆請益法要，師答如流，乃奏曰：昔日



世尊在靈山會上說法國王大比丘隨喜讚  
嘆今日山僧演法親垂 鈞聽諸刹高衲臨筵贊揚  
列朝尊官陪席側聽何異昔日靈山時 鈞容大悅  
又問生緣法系師應對詳明更命賦偈 上嘆賞之  
次復謂近臣曰見其天性溫和真善知識也及退寵  
賜隆渥侍僧各賜縑帛一日柳太守請就其第咨詢  
禪要談及法門之弊師感其護念偈謝又體太守之  
意立宗門規條七則曉諭將來既出武陵途中值解  
夏示眾曰也太奇也太奇老僧今年正月廿八進山  
四月十五結夏五月初十朝覲出山往來之間霽霽

梅雨烈烈炎威不覺不知度箇兩三月混在朱紫場  
中人情佛法打成一片未免東行西坐南去北來衲  
僧分上不用安排十五日已前相逢不枯出十五日  
已後舉意便知今日正當十五日又且如何話會撥  
轉上頭關大作獅子吼喝一喝蓋師之語言直截去  
住無碍儘若是矣長江外請到東輪憇駕數日因往  
壽福訪柏巖禪師遺像又過濃州時岐阜道俗延入  
正法寺寺本供師為開山師說偈示眾茲歲初結冬  
爐鞴宏開衲子麈至法席之盛冠絕一時是冬 明  
正院皇帝登遐師詣東山几筵殿拈香一會皆文武

官僚見師道德雄偉咸歸崇焉丁丑年本山鑄巨鐘成乃以國師所書銘鐫之師亦加銘識其時日崎之崇福虛席舉權大衛視篆復命潤雪厂住豫之千秋豫主定直公奉師翁為開山請師為第一世又以大禪寺延師為鼻祖德流四國不亦盛乎戊寅春宇治遭回祿之變師命執事施糧贍濟秋七月大將軍奏賜紫袍師陞堂祝聖又入禁廷謝恩因訪關白近衛殿下驩然相接特為優遇復之東關謁大將軍叙謝獻以百壽圖上大悅錫賚尤隆時護法宰官延請問道在駕申候指不遑屈歸程又歷尾

州州主亞相公命使問安又發舟護送師謝以偈已卯春開三壇大戒四來受者殆及一萬指定直太守請圓戒上堂此秋衆請覽南紀諸勝師先造攝州偕佛日和尙遊箕面山又取道坂陽訪瑞龍長慶龍王諸法屬時檀護重政院主龍谷請入高岡山善源寺尋奉師為開山之祖師允之既別南遊因過長谷禮大悲聖像英岳僧正迎待優異次而觀光和州諸刹辛巳年復蒙上賜帑金修葺伽藍糜林氣象煥然一新師意本山迺係嚴有院大相國公鼎建然未有享祠白官創建旃日威德殿落慶之日始修佛事

用酬檀恩適照叙湛至自因州入室次師舉破沙盆  
之話詰問機語相契復付法語勉其操持秋八月爲  
瑞光開祖先和尚鼎立德感室安法像有慈容儼爾  
妙高頂無限瑞光輝大千之語囑登越岸守之師一  
生輔佐師翁如楊岐之於慈明故師有謂山僧侍奉  
先師二十餘載眉毛鼻孔打失半邊往昔勤勞之切  
於此可知廣壽雲法伯嘗序師錄云曩從先師卽老  
人東來力輔法化首尾二十餘年如楊岐之挿紙衾  
大林之買大椀無不歷盡其職備嘗其艱而潛鞭密  
鍊親得向上大事蓋實錄也寶永甲申年本山新起

庫司寮竝省行堂成凡叢林所宜有者依師頗獲完  
成矣今茲春嵩玉峰延師看間卧精舍舊址就請爲  
開祖本係常修親王隱蹤之地況元和法皇嘗幸  
於此而宸書扁額師說偈志喜一日仙洞太上天  
皇降旨問乩仙之事師答稱旨真敬法親王寄詩  
曰道聲四震德光熙天下叢林沾法禧他日若逢好  
時節袖香展具接芝眉師賡韻致謝有乾坤一室堪  
容膝雲月奚曾隔兩眉之句秋九月偶示微疾然端  
居丈室接納方來未幾且而愈時奉公命移百丈山  
石峰禪寺於深州龍等涓良辰請師相地基則其境

致高爽林巒恢廓洛南之一勝區也師喜而謂眾曰  
是我真終焉之地也有偈寄謝京尹紀州太守伏主  
建部居士孟冬疾又作結制日有法語示眾或有求  
示語題贊者書而授焉茲歲甲府君立為家嗣師  
力疾謁京尹叙賀既而飲食日減顏容益羸越明年  
春首值大將軍耳順命眾禮二千佛寶號祝  
延台算特述法語示眾師一日告龍等曰老僧者同  
決不起矣詳囑後事又僉議七代補席之事稟官乞  
其遴選復示眾有語端為究明本分不及餘事尤右  
見病之危切請遺偈師書曰來不居東土去不往西

天坐斷去來相笑破威音前置筆適阜石居士至師  
顧視有頃跣趺泊然而寂實寶永貳年乙酉二月朔  
日午時也世壽七十僧夏五十二啓龕二日道容端  
然第六日津送四來道俗塞路填衢禮闈維法迄乎  
荼毘香氣溢空火餘得舍利無算至於四輩爭取悲  
泣頂禮而後已特奉遺骼塔於百丈以其頂骨舍利  
安奉享堂又分骨藏於崇福壽塔是遵治命也師鶴  
髮鳳眼美髯豐頤度量宏遠機辯超邁平生無矯飾  
進退有恒規聞善便揚見義必勇其仁慈才德蓋出  
於天賦矣師初遇師翁和尚於密印而后全和尚應

聘東渡，化於兩壽山首尾二十餘稔，嗣而補處，崇福繼往開來，苦硬清約，但如用水，日只一盥盆，或謂何不換新師？曰：老僧豈不嫌其舊歟？殊不知只者，滴水寧無來處，年臨五旬，衣只布素，左右請衣帛，師曰：昔日文老得紡絲羅而不御，演祖獲褐布被而不納，古德尚且若此，況於予乎？而破衲敝履，不忍棄之，洗禪濯襪，無不自為，雖其處已如之，至於喜濟惠室中，杖拂之外，盡發所蓄分施衆者，二其所設難量，大率如是，且其董席黃檗，特賜紫衣，又頒帑金繕修殿宇，衆以爲榮，師澹如也。嘗曰：先師本合主法，祖山豈化

之速而不及之，我膺之是代先師也。又如供事國師，雖得一茶菓，必先供奉，日皆出，吾祖慈蔭，聞者感服，蓋審其重本也。而早晚登殿，一時隨衆舉廢補闕，檝柴負土，雖酷寒溽暑，竟無辭狀行者，或調一盃羹羹，則先問大衆有麼？否則不食，慎已愛衆，多類之。其陞堂提唱，金春玉應，電掣雷鞠，但居常所說語言，總不經意而自然成文，如其鞭策龍象，生擒活捉，罵辱諸方杜撰，祕重大法爲要，況且開山各處，吼然爲人天師表，咸謂師之履踐，眞實談論，直截或無愧於大智遠祖，蓋爲其同鄉故，能爾邪？石峰塢院仍以百丈牋

山師於平日莫不以一日不作一日不食之語自策策人由斯觀之天下稱師為百丈再世者洵不誣矣嗣法門人別峰瑞等泊宰官居士繫以十數二會語有錄鶴林集禪餘艸巖林外集既付於梓龍侍師最久受訓最深故知師之平昔行錄頗詳因不自揣謹以撰述如夫道德之高法眼之明非不肖之可窺測自有大方檢點在異日但欲上蒼珉者庶幾有藉於斯文也矣寶永八年歲次辛卯冬十月千秋嗣法門人海龍謹撰

黃檗第七代慈福悅山和尚末後事實

己丑年師八十一歲五月十三日齋後來素嶽禎寮大家在座師見桌上碧巖集復開卷解說麻三斤話大家同聽師曰雖然恁麼解說還有解不得底意鈎頭有準秤尾無星大家有疑即今問將來莫蹉過好便起是晚師分付厨下辨菜令一衆喫飯晚課隨眾至暮團圍喫茶其快譚不尋常茶罷曰大家各歸寮隨意我亦就睡十四日卯時痰嗽俄發以其疾甚重故青等招北山泰菴醫士進藥上午堂頭和尚至侍者報曰堂頭和尚昨日從有馬回山而今來看和尚

師曰我不得起來不敢相見辭之可矣壽山禪師問候師相見微笑曰不敢起來失禮矣少焉萬壽一派諸位同來相見如常其餘各院主前後來看至晚堂頭和尚再來師相見歡喜把手言謝十五日祖溪能首座旭峯照西堂同至禎侍者曰能首座照西堂齊來師曰有勞有勞感爾遠來孝心其餘門弟子前後來問候師相見甚喜師謂千峯向侍者曰爾回來聽經完麼向曰聞和尚染病而來就於湯藥師曰得其人哉十六日堂頭和尚看師疾重差喝道知客延京醫下條隨見診候堂頭和尚隨後而來聞醫生所說

師謂青曰我隱居以來承堂頭和尚厚意甚夥且這回因我寢疾如是親切感銘五內爾到方丈致謝青隨尊命十八日金粟和尚至師合掌鳴謝及告別對師曰看和尚顏色如常宜為法保養師曰一切隨緣其後謂青曰他日不可外這和尚我兒孫須賴庇護青曰謹承尊命是日淨住確車禪師來訊師勉欲應接醫生日如此大病大老而用神力甚則不利於病壽山禪師又曰如我親切從今不可入寢室為保老和尚辭之可矣從此諸位對待者問候十九日命能首座曰老僧這回畢竟不起末後事須托堂頭和尚

能不得違師命預對理端侍衣以稟此事直指和尚  
法王和尚差僧來候念一日松平隱岐守居士榮旋  
遣使問候天德和尚來訊念二日師命慧明珠侍者  
曰今日是了翁法姪忌日汝去代燒香公有功于山  
門老僧亦受他所不可失禮念三日本多肥後守  
居士遣使問安古篆禪師至師相見言謝高屋寄入  
山岸石翁醫士來慰曰這番師疾甚重左右用心可  
也是日衆議延京醫伊東玄壽診候念五日法雲和  
尚佛日和尚差僧問安毛利又四郎英士寄書問候  
六月初七日左右報曰今日拜劫師索湯洗手向西

合掌十八日毛利又四郎英士差使送來霖居士遺  
物各畫一幅師覽之嘆嗟疾感多年護念十九日  
等在傍師切要行步即扶行數步曰快活快活諸子  
見師快色各歡喜歸寮七月初一日覺師疾重藥餌  
不御左右謂師曰飲食不進湯藥不服病以何得愈  
師曰老僧今年多少歲左右曰和尚今年八十一師  
咲曰既是八十一用藥有何益哉青等不忍坐視差  
僧以此事告能首座是日能就于南嶽大殿修法事  
爲師祈安水野祥嶽居士遣使問候初二日能來進  
藥師亦不服能等曰和尚慈悲爲衆用藥師勉受初



六日鳳山章遣使問安兼呈開拂傳衣法語師點閱喜溢眉宇片桐主膳正居士寄書問候初七日禎侍者進藥師不服禎曰不服藥而如何菴疾師約住與一掌曰人人三昧爾救不得禎曰師腕力不殊平生師解顏是日命清曰我先撰天龍香國和尚語錄序文病中不能手書汝代膳寫寄送焉初十日祖春回首座祖關透侍者同至師起坐相見歡喜而曰念汝遠來多謝多謝謂透侍者曰汝亦回來莞爾而咲衆皆謂近不見如此咲顏能首座看其快然欲修蘭盆會辭而歸寺十一日回首座來牀前師謂左右曰我

要起來左右應命其後首座來時師必如此以其長子作禮貌首座知之堅請止之十二日鍋鳴金粟居士遣使問候十三日師謂清曰如初年汝辨香華珍饈供養佛祖及先靈十五日師謂清曰今日是蘭盆汝代我拜國師先師兩塔更往堂頭和尚並各院行禮十八日師不愛服藥回首座欲呼能首座師曰不要勞他好故止之夜間揚州豐侍者在側曰和尚病久辛苦不師曰我沒有辛苦只勞汝們耳二十日師聞金粟居士近到伏見預命清謝多年護法兼問起居念二日能首座至師歡喜以兩手頻摩頂曰爾好

來好來能俯伏曰謝師摩頂能看師顏容不殊平生  
拜別歸寺念五日左右進藥師却之左右曰玄壽來  
山兩月餘爲和尚出力他是老大醫仙吃藥必有利  
益師索筆書曰玄壽往來兩月餘善哉良劑病魔除  
悅山欲謝愧無物強說偈言著力書用之與玄壽醫  
生辭他可矣左右恐玄壽不施藥故祕不言之是日  
師謂回首座曰我聞堂頭和尚近往江府是上將  
軍恭喜之事若因老僧之事以妨公務非老僧之本  
懷也這事要緊預稟堂頭和尚須辭末後法事所以  
延紫玉天麟兩禪師托以此事念六日師病稍輕回

首座并青同侍坐師召曰雖是是老僧病勢稍輕緣在  
娑婆不久矣座曰和尚畢竟要去麼師點頭透侍者  
曰覺苑等諸法子爲本院出力必成其未了之事師  
歡喜曰雖然爲我盡力元是自作自受也少焉師謂  
曰我退祖席直入本院此則爲老僧送終之禮了畢  
也汝等其禮若免不得亦空儉素又曰爲先師乞諡  
號我在世之中其願未成就去後此一件事不可忘  
空謀萬壽派下諸位等又曰遠近諸護法居士等代  
我鳴謝護法之恩廣大也念七日回首座青等在側  
師召一衆曰爾們勞心竭力孝義全彰老僧不敢忘

也各留心于此事莫虛度好光陰其未出世者命似  
懸絲必調養聖胎時節到來行化其緣未到須賴諸  
法兄成法器此夜覺疾重左右欲請遺偈不敢言却  
請為眾示一偈師偈書曰為吾竭力侍湯藥晝夜六  
時無退心百福田中為第一後來受用自然深青曰  
一眾謝師開示羅拜大家知師有氣力而歡喜堂頭  
和尚暨諸院主禪師聞疾重來訊各看示眾偈忻然  
而歸此日藥餌不進故請玄壽醫生念八日亦藥餌  
不進上午玄壽醫生來進藥酉時少進粥戌時玄壽  
醫生歸示囑回首座曰想是不可有病苦此夜不要

離左右師唯安眠午夜少生痰嗽進藥而止然覺氣  
力漸弱念九日回首座請末後偈師搖頭曰不要不  
要座曰一代善知識豈無辭世偈師曰先師也無座  
曰能學下惠者不師其跡勞尊腕寫一句也足矣師  
偈書曰先師有語一切空寂我也何言莫向外覓座  
曰大家齊謝末後開示差僧求藥藥餌不御唯安眠  
下午祖溪能首座至見師病勢已極不堪哭泣切問  
末後事師曰先向回首座說了也能曰和尚末後有  
大力量師微笑大家侍側師顧視左右少焉泊然而  
逝實七月二十九日未時也經三日進龕顏容不變

豎起脊梁定相如生手足柔軟頂留暖氣緇素瞻禮  
莫不哀慕焉嗚呼師去秋八十誕辰遐邇皂白撰文  
賦詩壯其華筵是晚諸徒告別師固留以詩曰人生  
七十也難得况復老僧登八旬逢此勝緣能有幾夏  
望一夜慰閉身予福德兩缺如斯盛事皆出於諸子  
孝念難得再會卽潸然諸子諸孫不覺垂淚謹隨尊  
命師歡喜夜間再設茶當此祝壽之場皆垂淚實兆  
於今年之事乎青等補祝師壽啓建道場頂禮梁皇  
寶懺師亦隨拜滿散之夜師自放瑜伽焰口次日師  
來青寮俱喜庶事圓周偶然而謂青曰老僧木龕工

既完不青曰和尚壽量地久天長豈用這個物哉師  
咲曰不得謾謾時節到來其理自彰衆皆駭然變色  
九月往有馬沐溫湯二七期滿直到舍利寺信宿師  
曰老僧住持當寺二十餘年蒙佛祖恩祐太子福庇  
先師光明當設香齋供養次日到西海寺駐法駕數  
日設齋普請坂陽檀信謝其年來護法恰如告別春  
來以師法體堅固衆中有請暇欲赴講會者師留曰  
汝等寓此少時十月許大家東奔西走桃源菴主人  
請師看桃花主人曰明年再請和尚師曰公意多謝  
世事如暮著著皆變不可預約矣二月念八日午間

師著黃色編衫被紅掛絡頂莎笠攜短杖穿草鞋先到青寮曰汝看我行脚青曰和尚欲遊歷何處師曰任運騰騰縱橫自在青曰和尚益壯之風不多讓于趙州和尚師曰古佛過去久矣卽出快走巡各寮徧一衆追念國師托鉢之事陰怪之三月念七日命駕遊宇治召祖關透侍者曰近欲差子去豐浦人生難期將此餞別終日觀山玩水喜氣溢眉欲歸又顧曰國師及諸和尚來此翫景今皆做古我幾回來此四月初一日毛利瑞霖居士靈輜到伏見師於旅舍拈香諷經說法語以答年來擁護之德并有輓偈就

歸路呼侍者指轎外曰如此清絕之境是何處侍者曰此是黃檗門前近獅子林師默止一日同左右三次出門左右報曰是處卽是和尚日前所見之境也師謂不是日前我所見清絕之境而歸院如此等事想是聖境現前歟亦將預兆入涅槃之前相者乎哉師二十九歲東渡十二年扶佐開山及二代法化出世南嶽三十二年中閒暫移法龍應機接物開山法輪等數處晚膺公選董席黃檗三年領衆機用全彰名徹九重特賜紫袍而蒙上將軍寵渥承王公大人擁護化儀畢備采隱本院優游適性真樂無爲

然且應節示衆不異叢林雖在病牀而不御粥飯聞  
報梆必起坐早晚聞鐘聲洗手合掌念誦一生爲法  
爲人不顧軀命但有益無不興崇履踐有如此者  
塔全身於本院其餘事自有行狀青在左右故略叙  
其最末大槩云

皆

寶永六年歲次己丑八月初五日而歸到叻也等事  
不肖弟子元青稽顙泣血百拜謹述

日出黃藥門前夜禪于林間想此一已同法亦三  
觀報新得香誦誦水日收心靜靜之對長何意何意

